

Na tres ocasion riba Dia Nacional

Lider di MEP sr. Nelson Oduber a ricibi reconocimiento publico



ORANJESTAD—Cu Ministro Presidente y alavez lider di MEP sr. Nelson Oduber tabata un persona clave den e lucha pa Aruba su Status Aparte y introduccion di nos Himno y Bandera, ta un hecho historico y esey a wordo demonstra riba nos Dia Nacional.

Na tres actividad separa sr. Oduber a ricibi reconocimiento publico bon mereci. E promer tabata diabierna anochi riba Plaza Libertador Betico Croes caminda gobierno di Aruba a obsekia sr. Oduber un bunita cuadro pinta door di sr. Frank Croes.

Tambe riba e mesun anochi aki, Comision Caminata di Santa Cruz a regala sr. Oduber un bunita obra artistico representando e ‘vuurtoren’ di Aruba y tambe un pin cu diseño di Aruba completamente di oro. E di tres reconocimiento a tuma lugar den dia na Cede di MEP caminda partido MEP a obsekia un otro recuerdo den forma di un glas cu un bunita mensahe na su lider sr. Nel Oduber.

Pues tres reconocimiento publico caminda comunidad Arubano ta duna su gratitud na sr. Oduber pa tur loke el a haci riba tereno estatal y riba introduccion di nos simbolonan di libertad. Te aki e comunicado di prensa di partido Movimiento Electoral di Pueblo (MEP).

